

# الرسول ﷺ و الجمال ( 1 ) | الشخصية الكاريزمية | الحلقة ( 80 ) ( | #لو\_عرفوه\_لأحبوه | د . حازم شومان

حازم شومان

سلام عليكم ورحمة الله وبركاته. الحمد لله وكفى. وصلاة وسلاما على عباده الذين اصطفى. اللهم لك الحمد كله ولك الملك كله وببيدك

الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في - [00:00:30](#)

الاولين والآخرين والمأ الأعلى الى يوم الدين. اللهم صل على حبيب قلوبنا وعلى طبيب قلوبنا وعلى شفيعنا يوم العرض عليك يا محمد صلى الله عليه وسلم. اما بعد اخواني واحبابي في الله يعني هنتكلم النهاردة واحنا بنتكلم عن لو عرفوه لاحبوه عن النبي -

[00:00:50](#)

عليه الصلاة والسلام. هنتكلم عن موضوع جميل قوي يا جماعة. هنتكلم عن موضوع يتعلق ان النبي عليه الصلاة والسلام لو دخل علينا الوقتي الحياة كلها هنتملى بهجة. انا كل ما اروح مكان الاقي ناس مكتئبة الاقي ناس حزينة الاقي ناس مهمومة. هنتكلم عن الحياة

الاجتماعية عند النبي عليه الصلاة والسلام. وعن اللي - [00:01:10](#)

الانسانية عند النبي عليه الصلاة والسلام. هنتكلم النبي عليه الصلاة والسلام كان السلوك الاجتماعي عنده شكله ايه؟ كان اللمسات الانسانية عنده شكلها النبي عليه الصلاة والسلام كان له حياة يا جماعة. يعني انا شفت زعماء كبار جدا في العالم. ما لقتش واحد منهم

قادر بيتسم. انا شفت اغنى - [00:01:30](#)

اليارديرات في العالم من كتر الاعمال اللي وراهم ما حدش منهم قادر بيتسم. شفت اغنى مليارديرات العالم سواء من الخليج او من

امريكا او اه او بيل جيتس او يعني الامراء او حكام العالم او زعيم الثورة السقافية الصينية اه يعني - [00:01:50](#)

شفت اجتاز كتير ما حدش قادر يضحك. ما حدش قادر بيتسم. تلاقي الناس بتسلم عليه في المهرجانات العامة وهو ايه يعني قاعد

كده يمد ايده كده بصورة بسيطة. مين اللي - [00:02:10](#)

يضحك ويعيش كل اللي حواليه في حياة اجتماعية. رغم كل الهموم اللي فيها اللي كان فيها محمد بن عبدالله عليه الصلاة والسلام الا

لو نبي من عند الله تعالوا نتكلم عن السلوك الاجتماعي في حياة النبي عليه الصلاة والسلام. تعالوا نتكلم عن اجمل شخصية في

الوجود. اجمل شخصية في الوجود. عايزين نتكلم عن الجمال في حياة النبي - [00:02:20](#)

جمال الشخصية. جمال العشرة. جمال الشكل. جمال البشاشة والزرف. جمال الروح. جمال النفس. جمال القلب تعالوا نتكلم جمال

العطر جمال الثياب. تعالوا نتكلم ونبدأ حملة كده عن الجمال في حياة النبي عليه الصلاة والسلام. واول حاجة نبدأ - [00:02:40](#)

فيها جمال الشخصية. جمال شخصية النبي عليه الصلاة والسلام الحياة الاجتماعية واللمسات الانسانية عند النبي عليه الصلاة والسلام.

اول آآ يعني حاجة يعني تخيلوا يا جماعة زعيم ديني وزعيم سياسي وزعيم اقتصادي. وزعيم بحجم النبي عليه الصلاة والسلام نبي

الله. من اولي العزم من الرسل. وحاضر عرض ترفيهي - [00:03:01](#)

يعني ايه عرض ترفيهي؟ يعني مرة خدنا الاخوة كده والاخوات واجرنا سيرك سيرك وشلنا كل الفقرات اللي فيها مشاكل ورحنا وشفنا

بقى عروض الاسود والعروض ديت. وكان الموضوع من ضبط شرعيا جدا. خدنا اخوانا وزوجاتهم وكان يوم في - [00:03:24](#)

غاية الجمال يا اخوانا فيه ناس قالت ازاى؟ هو ده ينفع ان هو يتعمل؟ النبي عليه الصلاة والسلام مر مع السيدة عائشة وكان يوم

عيد. النبي عليه الصلاة والسلام لقي الاحباش - [00:03:43](#)

قاعدين يلعبوا مع بعض بالرماح في المسجد. النبي عليه الصلاة والسلام يعني قال لهم دونكم خليككم زي ما انتم بقى يلا انطلقوا بقى وزودوا. وقام مخلي السيدة عائشة تتفرج على الاحباش. تتفرج على العرض الترفيهي ده يا جماعة. تتفرج على هذا العرض الترفيهي المنضبط شرعا. المأمون الفتنة - 00:03:53

تتفرج على هذا العرض. يعني النبي عليه الصلاة والسلام يا جماعة ده يعني دلوقتي لما فيه جامعة بقى عايزة تعمل حاجة كبيرة اوي بقى ولا مدرسة سانوي عايزة تعمل حاجة كبيرة يقول - 00:04:13

ايه يقول لك يعني ايه يعني تعالوا نتبسط كده بقى تعالوا بقى اما ايه نعمل حاجة جميلة كده فعرض ترفيهي. النبي عليه الصلاة والسلام يعني كان وهو مسافر في الجهاد في سبيل الله. كان في منشد اسمه انجشة. انجشة النبي عليه الصلاة والسلام كان يخليه يغني وينشد من جمال صوته وجمال - 00:04:23

اللي كان بينشده النبي عليه الصلاة والسلام قال رفقا بالقوارير. النساء لن تتحمل هذا الانشاد اسناء السفر الجهادي. يعني ده مش مش ممكن نخرج منه بحفلة فنية. حفلة فنية زي الصحابي جابر ابن سمرة رضي الله عنه. الذي كان يقول صحبت رسول الله صلى الله عليه وسلم - 00:04:43

وجالسته اكثر من مائة مرة واصحابه يتناشدون الشعر. قاعدين ينشدوا يا جماعة جمال. النبي عليه الصلاة والسلام كانت الحياة معه جميلة. النبي عليه الصلاة والسلام كان الحياة معه جميلة. بيخلي حياة زوجته جميلة. حياة اصحابه جميلة. يا ترى لو الدعاء الوقتي طبقوا السنة بتاعة النبي عليه الصلاة والسلام؟ يا ترى - 00:05:03

فلو الدعاء دلوقتي يعيشوا كل اللي حوالهم. وعيشوا زوجاتهم كثير من زوجات الاخوة المجتهدة في الدين. بيشتكوا ان ازواجهم ما عندهم وقت لبيوتهم. ما عندهم وقت يفسحوا عيالهم. ما عندهم وقت ان هم يمتعوا كل اللي حوالهم. النبي عليه الصلاة والسلام يا جماعة كان الحياة الاجتماعية عنده اعلى ما تكون واعظم ما تكون - 00:05:24

عليه الصلاة والسلام يعني من الاحاديث الرهيبة في صحيح ابي داود المغيرة بن شعبة رضي الله عنه يقول ضفت رسول الله صلى الله عليه وسلم ذات ليلة هو النبي عادي كده ان احنا كنا نعزبه كده وييجي يا رسول الله انا عازمك الليلة ولحمة مشوية يا رسول الله وهنشوي وهناك وهنتبسط النبي عليه الصلاة والسلام - 00:05:44

يعني ما بيفكرش في الدنيا ولا في متاعها. ولكن النبي ببشيع جو من البهجة في اصحابه من حواله عليه الصلاة والسلام. فقال المغيرة بن شعبة النبي صلى الله عليه وسلم ذات ليلة. والنبي كان سهل كده. سهل انه يروح وسهل انه يتعزم وسهل من الاحاديث. يعني قبل ما اكمل هذا الحديث التحفة. حديث - 00:06:05

الرائع من الاحاديث الرائعة للنبي عليه الصلاة والسلام. النبي مرة كان ماشي ماشي في شوارع المدينة. فلقى غلام آآ آآ بيسلخ شاة يعني شاخ شاة اتدبحت وبيحاول يشيل الايه الجلد بتاعها من عليها. فالغلام ما هوش عارف يشيلها. فالنبي عليه الصلاة والسلام قال له ايه؟ تنحى حتى اريك. تعال انت على جنب كده بقى عشان اوريك - 00:06:25

بقى تنحى حتى اريك تعال انت على جنب عشان اوريك الشقة بتسلخ ازاي. شف الزرف. شوفوا اللطف. شوفوا الجمال. شوفوا الروعة شوفوا الجمال الشخصية تنحى حتى اريك. ده حاكم الدولة يا جماعة. حاكم الدولة ومعدي جنب شاب اسلف غلام بيسرق قال له تنحى - 00:06:46

تعال انت على جنب انت كده بقى والنبي عليه الصلاة والسلام قعد يسلخها لحد ما خلص له النبي عليه الصلاة والسلام بيقول له بقى شفت بقى وريتك بقى عرفت تبقى تسبقها بعد كده ازاي. النبي عليه الصلاة - 00:07:06

شخصية ممتعة ممتعة ماشي مرة في شوارع المدينة عبدالله بن الحارث رضي الله عنه آآ كان رايح لمصر يعني بعد موت النبي اهل مصر فيكملهم عن جمال شخصية النبي. بيكملهم عن روعة شخصية النبي. بيكملهم عن ابداع شخصية النبي عليه الصلاة والسلام. عبدالله بن الحارث وهو راوي حديث - 00:07:16

كان اكثر الناس تبسما عليه الصلاة والسلام. اكثر حد كان بيتبسم في الدنيا كلها. اكثر انسان كان عنده بشاشة في الدنيا كلها. رغم

الهموم التي عند النبي عليه الصلاة والسلام. فعبدالله بن الحارث يعني واضح ان سيدنا عبدالله بن الحارث كان شخصية اجتماعية ودودة ويحب اللقاءات الاجتماعية. عشان كده تلاقيه يروي الاحاديث الاجتماعية - [00:07:36](#)

كل صحابي كان له نوعية من الاحاديث بيحب يرويها. يعني مسلا القبر تلاقي سيدنا عثمان ابن عفان يقول لك ما رأيت منظرا الا والقبر افزع منه. لان سيدنا عثمان كان - [00:07:56](#)

القبر قوي. آآ احاديث مسلا الابتلاء تلاقي صهيب الرومي. احاديث مسلا الصيد تلاقي عدي بن حاتم الطائي. احاديث مسلا اه الجهاد تلاقي سيدنا انس رضي الله عنه. فعبدالله ابن الحارث كان بيحب الحياة الاجتماعية والاحاديث الاجتماعية. فبيقول لك كنت سابع سبعة مع النبي صلى الله عليه وسلم. شف الموقف - [00:08:06](#)

الجميل اللي يخليكي تضحكي كده وانت قاعدة تتخيلي امال لما نقابل النبي في الجنة عليه الصلاة والسلام هتبقى الحياة مع النبي عليه الصلاة والسلام شكلها ايه ؟ فبيقول كنا سابع سبعة فخرجنا خرجنا نروح للصلاة بقى. يعني كان النبي في جلسة ايمانية معهم كده جلسة تربوية خاصة معهم. عليه الصلاة والسلام. المرابي بقى بيربي - [00:08:26](#)

ابناؤه وبيربي يعني فراخه عليه الصلاة والسلام. فراخوا مع النبي عليه الصلاة والسلام للمسجد فبيقول فوجد رجل يطبخ لحما في بورما. يعني واحد الشارع كده قاعد يطبخ لحمه في ايه في بورما لحمه كده. فالنبي عليه الصلاة والسلام قال له اطابت برمتك - [00:08:46](#)

اللحمة استوت ولا ايه! شوفوا النبي عليه الصلاة والسلام. بيسموها الملاغية يا جماعة. يعني بيسموها النبي عليه الصلاة والسلام. يعني ادخل تدخل محل الفول تلاقي الراجل. تضحك عليه. الشخصية الجميلة - [00:09:03](#)

الشخصية اللي بتاخذ وتدي وتألف وتتقرب من الناس والناس كلها تحس انها قريبة منها. قال اطابت برمتك. البورمة اخبارها ايه؟ اللحمة استوت ولا فقال طابت يا رسول الله. فالنبي عليه الصلاة والسلام قام واخذ حنة لحمه وقعد ياكل فيها وهو ماشي مع الصحابة لحد ما وصل للمسجد وهو يمضغ يمضغ - [00:09:13](#)

ثم صلى بهم عليه الصلاة والسلام شخصية جميلة اوي يا جماعة. شوفوا الحديث المبره ده. شوفوا الحديث انا عايزكم تجيبوا لي رئيس امريكي زعيم غربي رئيس من اي دولة شرقية او غربية. زعيم سياسي زعيم اقتصادي. عيش اللي حواليه في المتعة دي - [00:09:33](#)

واحد من من اصحابه المغيرة من الشعبة ومش من الطبقة الاولى من الصحابة يعني. مش من اعلى الصحابة. بيقول ضفت النبي صلى الله عليه وسلم ذات ليلة. امال بقى اللي اعلى منه في الطبقة كان - [00:09:53](#)

النبي عليه الصلاة والسلام بيعمل معهم ايه ؟ النبي اتجوز بنت عمر واتجوز بنت ابو بكر. النبي عليه الصلاة والسلام كان بيدخل في حياة الناس يا جماعة. ويدخل الناس في حياته. وكان يقول لابن مسعود ان - [00:10:03](#)

رفع الستار رضي الله عنه. يعني كان حياة جميلة. فالمغيرة استضاف النبي عليه الصلاة والسلام ذات ليلة. فامر بجنب فشوي. يعني النبي عليه الصلاة والسلام اول ما دخل كده عندكم ريش انا عايز ريش بقى النهاردة. يعني والنبي عليه الصلاة والسلام قعد هو المغيرة الخدم بتوع المغيرة قاعدين يشوي اللحمة. يا اخوانا هي - [00:10:13](#)

مش دي الباركيو ده يا جماعة ولا ده ايه؟ يعني حفلة الشوي مش بيبقى الجو الجميل ده الحفل العزومة ان احنا نروح نلاقي اللحمة مشوية جاهزة. حفلة الشوي ان اللحمة تتشوي واحنا قاعدين. يعني النبي عليه الصلاة والسلام بكل انشغالاته وسايب اصحابه - [00:10:33](#)

بالحياة. وسايب اصحابه يعيشوا يا اخواني. عليه الصلاة والسلام. فامر بجنب فجوي. يعني النبي عليه الصلاة والسلام هو اللي طالب الريش امر بجنب اللي هي الضلوع يعني اللي هي اللحمة الريش اللي بعضناها الحلوة ديت فشوي فقعدوا يشووا فيه - [00:10:49](#)

فقال المغيرة بن شعبة فاخذ يحز لي منها بشفرة. يعني النبي عليه الصلاة والسلام مسك السكينة وبدأ يقطع له ويأكله. بدأ يقطع له ويديه. النبي عليه الصلاة والسلام بيأكل المغيرة ابن شعبة يا جماعة. حاكم الدولة. حاكم الخلافة الاسلامية. حاكم الدولة الاسلامية

بقت خلافة بعد موت النبي - 00:11:04

عليه الصلاة والسلام. حاكم الامة الاسلامية عليه الصلاة والسلام بيأكل صاحب من اصحابه بايديه. مين يتمنى مربى احسن من النبي عليه الصلاة والسلام؟ مين تتمنى زوج الطف واجمل واظرف من النبي عليه مين يتمنى يعيش مع انسان اجمل من النبي عليه الصلاة والسلام؟ ربنا يجعلنا معه في الجنة يا رب. ربنا يمتعنا بصحبته في الفردوس الاعلى يا رب. فاخذ - 00:11:24

فيحز لي بالشفرة منها ان هو بيأكله يدي له عليه الصلاة والسلام من الشفرة شف الود والجمال وكان شاربي وفاء. لأ كده بقى ايه لأ كده مش اوفر يا جماعة. ده كده قمة الحنان اللي في الدنيا. وكان شاربي وفاء. يعني انه غير - 00:11:48  
كان سايب شنبه فشنبه كان طويل ونازل على بوقه. وكان فقصة لي على سواك. النبي عليه الصلاة والسلام اما يطلع السواك بتاعه وقام حطه ما بين شفت المغيرة وما بين الشارب. واللي زاد عن السواك النبي عليه الصلاة والسلام قام قصه للمغيرة ابن شعبة. وكان شاربي وفاء فقصر - 00:12:06

قولي على سواك فجاء بلال يؤذنه بالصلاة. سيدنا بلال كان مسئول الاذان الاول. يعني اللي هو اللي قبل الفجر بحوالي ثلث ساعة او نص ساعة وجاء بلال يؤذنه بالصلاة. النبي عليه الصلاة والسلام قعد الليلة كلها عند المغيرة ابن شعبة يا اخواني. يعني النبي عليه الصلاة والسلام آآ يعني انا مش قادر اتخيل وقت النبي - 00:12:26

ازاي عليه الصلاة والسلام يعني واسع واحد من اصحابه كده عشان كده طلوعوا ابطال. عشان كده ضحوا بعمرهم لانهم لقوا الحزن الدافي لانهم لقوا الدين والدنيا لانهم لقوا الجدية والمتعة - 00:12:45

لانهم لقوا الحياة الاجتماعية يا جماعة بجانب الجهاد عارفين كان في يعني مسرحية زمان واحد بيقول لواحد انا وولادي التمانية ومراتي وحماتي ساكنين في اوضة. فالتاني بيقول له يا اخي حرام عليك! سايبين الشقة كلها وقاعدين في اوضة! فرد عليه قال له هي اوضة - 00:12:59

يا حضرة هي اوضة فاحنا يا جماعة هو ده للاسف احنا اللي عاملينه الملتزمين والملتزمات. مع نفسنا ومع الناس هي اوضة. سايبين الشقة كلها سايبين القصر كله وقاعدين في اوضة - 00:13:18

الدين كبير. الدين جميل. الدين واسع. الدين ممتع. الدين مبهج. واحنا واخدين حنة بس صغيرة من الدين. ومش راضيين نوري للناس متعة الدين وجمال الدين. جاء بلال يؤذنه بالصلاة. النبي اتجعس عليه الصلاة والسلام. القى الشفرة. يعني قعد يأكل المغيرة وهو بيأكله. فجأة بلال قال له صلاة - 00:13:30

الفجر يا رسول الله. النبي عليه الصلاة والسلام امره بالشفرة وقال ما له تربت يداه. ايه يا بلال! الليلة راحت يا بلال! ده انا ما صلتش لحد دلوقتي قيام ليل يا بلال. ده انا منهمك في التربية. منهمك في تربية راجل - 00:13:50

الرجالة اللي هيشيلوا الدين من بعد يا بلال. فالقى الشفرة الله اكبر وقام يصلي قيام الليل. النص ساعة اللي باقية قبل الفجر بقى قام يصليها في بيت المغيرة ابن شعبة. عليه الصلاة - 00:14:04

سلام ما هذا يا اخواني ما هذا يا جماعة؟ ما هذا؟ سيدنا جابر ابن عبدالله وانتم عارفين سيدنا جابر كان فقير كان فقير ويعني ومشاكله كتير اوي مديون وعنده تسع بنات ما اتجوزوش. اخواته وابوه مات يتيم ويعني مشاكله كتير جدا. فجابر النبي عليه الصلاة والسلام - 00:14:18

سنده اسمه سنده كثيرة. لحد ما بدأ يقف على رجليه وسدد ديونه. رضي الله عنه. فعزم النبي بقى مرة على لحمة وعيش بقى. عزم النبي مرة بقى ايه جميلة كده على لحم وخبز. برضه الحديس صحيح. كل الاحاديس اللي بقولها لكم ان شاء الله بازن الله صحيحة ثابتة عن النبي عليه الصلاة والسلام - 00:14:36

فقام جايب الايه عزمه على لحم الخبز. فالعزومة بدأت قبل الظهر فالنبي عليه الصلاة والسلام جعان جدا. فقام واكل شوية لحمة كده وحتة عيش كده وبعد كده جه صلاة الظهر. فالنبي قام رايح يصلي. تخيلوا يا جماعة انا عايز احكي لكم بس الموقف - 00:14:54  
وتتخيلوا هي كلمة في كتب الحديث. ولكن الكلمة دي بالنسبة لنا المفروض انها تبقى حياة. الكلمة بهرتني بيقول فذهب يصلي ثم

فالنبي عليه الصلاة والسلام طلب ما تبقى له من طعام فأكمل الطعام. ايه البساطة دي! ايه السهولة دي! ايه السلاسة دي! ايه الجمال ده!

ايه الشخصية السهلة دي - [00:15:09](#)

ايه المرونة والليونة والبساطة والجمال ده! النبي عليه الصلاة والسلام وبعد كده جت الصلاة خلاص بقى حدة الجوع راحت. فالنبي عليه الصلاة والسلام راح صلى بالصحابة وبعد كده رجع فين باقي اللحمة؟ فين باقي الخبز بقى؟ فين باقي الاكل يا جابر؟ هات باقي

الاكل - [00:15:30](#)

يا جابر انا لسة جعان. انا لسة ما شفعتش. سيدنا جابر جاب باقي الاكل اللي النبي عليه الصلاة والسلام. واكل رسول الله صلى الله عليه وسلم بابي هو وامي روحنا فداء للنبي عليه الصلاة والسلام. حياة الاجتماعية عند النبي عليه الصلاة والسلام - [00:15:47](#)  
من المواقف البديعة للنبي عليه الصلاة والسلام من المواقف المبهرة للنبي عليه الصلاة والسلام اه اه حديس كلنا عارفينه يا جماعة. انما احنا يعني للأسف احنا علمانيين في التعامل مع القرآن والسنة. بناخد الآية والحديس من غير ما ناخذ الموقف اللي اتقال فيه. اللي -

[00:16:03](#)

نزل فيه الآية او اتقال في الحديث. فبنعزل النص عن الواقع اللي نزل فيه فبنعزل النص عن الواقع اللي احنا عايشين فيه. يعني انا بصور الوقتي في ملعب كورة انا متعمد يا اخوانا احنا متعمدين انا والفريق اللي معي ربنا يحفزهم احنا متعمدين ان احنا ننقل جو البهجة للناس. ان احنا ننقل ان الدين ما في هوش مشكلة - [00:16:20](#)  
ان انا البس لبس رياضي واصور حلقة دينية. ان الدين ما في هوش مشكلة. ان ربنا اذن وكلمتكم عن لبس النبي هتنبهروا. كلمتكم النبي لبس ايه؟ النبي عليه الصلاة والسلام يعني يقول لك رأيت رسول الله صلى الله عليه وسلم وعليه حلة حمراء. حلة ايه؟ حمراء -

[00:16:40](#)

يعني يعني تخيلوا يا جماعة يعني الغالب عليها لون الاحمر. حلة حمراء. النبي عليه الصلاة والسلام ماشي كده بالحلة الحمراء ولم فلم اري احسن منه ولم اري اجمل من النبي عليه الصلاة والسلام كان زي القمر. عليه الصلاة والسلام. وكان لبسه جميل جدا. وكان لبسه نضيف جدا. وكان بيتعطر لحد ما الناس تظن ان - [00:16:58](#)

ابو زياد وكان بيدهن راسه عليه الصلاة والسلام وكان بيدهن لحيته. والصحابة لما قالوا النبي عليه الصلاة والسلام يعني عمل الحناء في لحيته. الصحابة قالوا لما عملش الحناء ده من كتر ما بيدهن لحيته وبيعطر لحيته الشعر احمر. فبعض الصحابة اتهموا ان هو اتصبغ. النبي عليه الصلاة والسلام شخصية جميلة - [00:17:18](#)

اروش شاب في مصر دي. اروش شاب فيك يا مصر. نفسه في ايه؟ يضرب شعره جل. ها وايه كمان؟ ويبقى شعره جميل كده وناعم وطويل هام. ايه كمان - [00:17:39](#)

ويبقى بقى يعني يعني حاجة جميلة كده حتى لو مربى لحيته تبقى ريحته جميلة كده مزهزة كده وايه كمان ويبقى لبسه لبس جميل لبس استايل لبس جميل لبسه ويبقى ايه كمان ويبقى متبرفن حاطط برفان ما حصلش. وايه كمان؟ والله يا جماعة النبي كان اشهدك من كل ده. عليه الصلاة والسلام. النبي، عليه الصلاة والسلام - [00:17:49](#)

عائشة مرة بتقول رأيت النبي صلى الله عليه وسلم في الحج في الحج يا اخواني. فما بالك بقى في الحياة الاجتماعية؟ ده رايح يحج يعني لبك اللهم لبك. النبي عليه الصلاة والسلام رايح يحج بتقول فرأيت وبيص المسك بين مفرق رأسه - [00:18:09](#)

يعني من كتر ما النبي عليه الصلاة والسلام حاطط عطر حاطط عطر. بتقول المسك ببيراً من مفرق رأس النبي عليه الصلاة والسلام يعني النبي عليه الصلاة والسلام حاطط عطر قد ايه وحاطط مسك قد ايه عليه الصلاة والسلام. شخصية جميلة اوي - [00:18:29](#)

من الاحاديث اللي احنا دايمنا بناخذها وما بنركزش فيها قوي يا اخواني. حديس النبي عليه الصلاة والسلام لما رفع الجدي لما رفع الخروف الميت المعفن قدام الناس وقال لهم من يشتري هذا بدرهم؟ في رواية ابي داوود من يحب ان هذا له؟ مين اللي يحب ان ده له؟ - [00:18:47](#)

انما احنا مش عارفين الموقف فين. ده النبي عليه الصلاة والسلام كان جاي من بعض عالية المدينة. يعني النبي جاي. فقام داخل

السوق. شف بقى. شوفوا الداعية الميداني. يا رب يا رب - 00:19:05

افهم يا رب يا رب معنا جميعا في الدعوة اليه يا رب. شوفوا الداعية الميداني. شوفوا المربي الميداني. شوفوا الداعية اللي بينزل الناس في الاسواق وبينزل النوادي وبينزل للناس في الحياة. والناس بتشوفه في الشوارع. وبياخذ حطة اللحم ده. يداعب الغلام اللي في اعدادي يا - 00:19:15

اخواني في الدعوة ليه بتوع اعدادي وسانوي بعدوا عن الدين ما احنا ما بنزلش لحد يا جماعة احنا يا جماعة الدين عندنا درس وبنحضره وبنديه. الدين مش حياة. الدين مش ان احنا نأكل الطعام ونمشي في الاسواق. النبي عليه الصلاة والسلام كان - 00:19:35 عايش ومعايش كل اللي حواليه. عليه الصلاة والسلام. يا غلام اه تنحى حتى اريك. استنى اما اوريك الشيا بتتسلخ ازاى. فالنبي عليه الصلاة والسلام قام مرر على السوء والتجار بقى قاعدين يبيعوا والناس قاعدة تشتري. فالنبي عليه الصلاة والسلام مر على السوق عليه الصلاة والسلام - 00:19:52

فوجد الناس اه مشغولة في التجارة. اول ما شافت النبي صاروا كنفتيه. يعني ايه صاروا كنفتيه؟ يعني الناس كلها اتلمت على يمين وشمال النبي عليه الصلاة والسلام. الناس حب النبي. والنبي عليه الصلاة والسلام بيعب الناس. فالنبي عليه الصلاة والسلام لما نلاقي الناس حواليه فلقى خروف ميت في الجدي اسك. خروف ميت - 00:20:10

معفن. فالنبي عليه الصلاة والسلام قام ماسكه من ودنه. مش ممكن يا اخوانا ما فيش اكشن في مؤسسة اعلامية او برنامج اعلامي او برنامج توشوه اكثر من كده. النبي عليه الصلاة والسلام قام ماسك وذن الخروف قام رافعه قدام الناس - 00:20:30 طبعا متخيلين الخروف معفن يعني مليون ما لا استطيع ان اقلوه. يعني اول ما النبي رفعه بس زمان السوق كله اتقلب من ريحته. يعني زمان الناس كانت موت يعني هترجع اللي في بطنها. هتتقيأ من شكله بس. النبي عليه الصلاة والسلام تعمد. قام رافع قدامهم. ليه يا رسول الله؟ قال لهم ايكم يحب - 00:20:46

مين يشتري ده بدرهم؟ مين يدفع جنيهه في ده؟ مين يشتري الخروف ده بجنيه؟ النبي عليه الصلاة والسلام ضرب لهم هذا الجدي الاسك يعني جدي اصلا هو وهو عايش اصلا كان ايه يعني ودنه اصلا يعني ودنه مش كويسة يعني فاهم فيه عيب آ فيه مشكلة يعني. فقال له يا رسول الله لو كان حيا - 00:21:07

ما اشتريناه فكيف وهو ميت! يا رسول الله احنا زاهدين فيه! فالنبي عليه الصلاة والسلام ضرب لهم مثل بهذا الجدي بالدنيا! هي دي الدنيا! شايفين! بصم شمم واللي يقدر يدوق يدوق هي دي الدنيا. بس للأسف اهل الباطل خدوا اللحم بتاع الخروف المعفن دهوه وقاموا فارمينها وقاموا ماليها - 00:21:27

هنا وبهارات وتوابل واقوموا حاطين عليها كاتشب ومايونيز وهم عاملينها سندوتشات سبايسي كرسبي وقاموا مقدمينها لنا واحنا قاعدين ناكل واحنا مش عارفين ان الدنيا المتمكيجة دي هي الخروف الميت المعفن. اللي النبي عليه الصلاة والسلام رفعه. يبقى النبي عليه الصلاة والسلام - 00:21:47

كان عايش وسط الناس يا جماعة. النبي عليه الصلاة والسلام كان عايش وسط اصحابه. وكان معايش اصحابه معه. وكان ممتع كل اللي حواليه. النبي عليه الصلاة والسلام كان مصدر بهجة ومصدر فرحة ومصدر ضحك ومصدر متعة عليه الصلاة والسلام. عليه افضل الصلوات من رب العالمين الى يوم الدين - 00:22:03

حياتهم اتغيرت وهم مع النبي عليه الصلاة والسلام واحنا نتكلم عن جمال النبي يعني آ آ يعني انا انا ممكن في هذه الحلقة يعني بتتقاذفني الافكار ما بين انواع الجمال عند النبي عليه الصلاة والسلام - 00:22:24

ولكن انا بحاول اركز دلوقتي على جمال الشخصية. جمال الشخصية. الكاريزما. الشخصية الكاريزمية الشخصية الجميلة. الشخصية اللي تجذب اي انسان. الشخصية اللي تشد اي حد يتعامل معها. عليه الصلاة والسلام - 00:22:39 جات له امرأة عجوز فبتكلم عن الجنة يا رسول الله ادع لي ان ادخل الجنة يا رسول الله. انا ست كبيرة وعجوزة ما عدتش عايزة حاجة من الدنيا بتدعي ربنا لي بالجنة - 00:22:57

فالنبي عليه الصلاة والسلام قال لها لا يدخل الجنة عجوز. للأسف ما ينفعش واحدة عجوزة تدخل الجنة والنبي عصام سكت ست صامت ليدخلوا الجنة عجوز. يعني انا ما ينفعش ادخل الجنة. يعني انا محرومة من الجنة. ست خلاص استسلمت لامر الله ومشت. قعدت تعيط - [00:23:09](#)

تعيط النبي عليه الصلاة والسلام بعث الصحابة وراها. روحوا قولوا لها ان الجنة ما فيش فيها غير شباب بمتعة الشباب وسن الشباب وجمال الشباب روحوا قولوا لها ان الجنة ما بيدخلهاش غير الشباب. جمال روح النبي عليه الصلاة والسلام. يا اخوانا النبي عليه الصلاة والسلام - [00:23:31](#)

المواقف دي كلها كان النبي اولاده ييموتوا واحفاده ييموتوا. والروم عايزة تهجم على المدينة. وابو سفيان كل شوية يجيب جيش ويهاجم المدينة ويحاصرها. وقبائل العرب عايزة تغدر وتغتال النبي عليه الصلاة والسلام. والصحابة ومشاكلهم والمشاكل اللي كانت بتبقى لسة راسبة احيانا ما بين مهاجرين وانصار. ما بين اوس وخزرج - [00:23:52](#)

والمناققين مبهدلين الاعلام العلماني في المدينة المنورة والنبي عليه الصلاة والسلام بيضحك. النبي عليه الصلاة والسلام منشرح والنبي عليه الصلاة والسلام ممتع كل اللي حواليه السلوك الاجتماعي والحياة واللمسات الانسانية - [00:24:12](#)

جمال رسول الله صلى الله عليه وسلم جمال الجمال والزوق عند النبي عليه الصلاة والسلام الجمال هنتكلم يا جماعة في الحلقات ديت عن الاتيكيت. هل الاتيكيت علم غربي ولا الاتيكيت ده بتاعنا احنا؟ هل الزوق علم غربي؟ ولا الزوق ده بتاعنا احنا! يعني هل

الجمال والشياكة والزرف - [00:24:28](#)

هل دي حاجات احنا بنقلد فيها الغرب؟ ولا ديت بتاعتنا احنا اتكلمنا في اول ملمح من ملامح الجمال والزوق عند النبي عليه الصلاة والسلام عن جمال الشخصية او الشخصية الكارزمية عند النبي عليه الصلاة والسلام. اللهم حسن خلقنا كما احسنت خلقنا. اللهم حسن خلقنا - [00:24:48](#)

قنا كما احسنت خلقنا. اللهم زينا بزينة الايمان. واجعلنا هداة مهتدين. لا ضالين ولا مضلين. ولا مغيرين ولا مبدلين. اللهم يا ربنا اقمنا على الحنيفية السمحة. اللهم اقمنا على سماحة الاسلام. اللهم - [00:25:08](#)

فهما جمال الاسلام. اللهم افرح قلوبنا بالاسلام. اللهم املأ قلوبنا بالايمان. اللهم فرح بك وبدينك وبكتابك وبصحبة نبيك في الفردوس الاعلى يا رب العالمين. اللهم اجعلنا رسل صدق لدينك اللهم فهما الاسلام واجعلنا رسل صدق للاسلام. نحب الناس في الاسلام وندل الناس على الاسلام - [00:25:28](#)

فهما الدين يا رب فهما القرآن والسنة يا رب. اقمنا على مرادك منا يا رب. ارزقنا الشهادة في سبيلك يا رب ارزقنا اجمل خاتمة. ارزقنا اجمل خاتمة. ارزقنا الشهادة في سبيلك يا رب. سبحانهك اللهم وبحمدك اشهد ان لا - [00:25:58](#)

لا اله الا انت استغفرك واتوب اليك. وجزاكم الله خيرا - [00:26:18](#)